

法政大学学術機関リポジトリ

HOSEI UNIVERSITY REPOSITORY

PDF issue: 2024-07-28

0035 (上諭兼管戸部事務)

上諭戶部奏蠲免錢糧已輸在官准抵次年應完正賦則
例所戴防弊本極周詳無如各州縣積習相沿機詐
百出或停擱蠲免詔旨先期催追或藉無流抵明文
闡入私索即或業戶中例請示遵而官吏胥差互相
聯絡游詞飾說巧為欺蒙倚勢作威肆其侵蝕故遇
免征之年追呼不已已輸之賦扣抵無期是以歷屆

蠲免難沾實惠。即如本年四月。蠲免江屬。諭旨有流
抵字樣。正月初二日。蠲免蘇屬。諭旨無流抵字樣。載
與不載。厥例維昭。恐小民無知。或啓猜疑之竇。官吏
藉端影射。巧索強取。請申明定例。嚴防弊端。並請向
未蠲免省分。其全年蠲免先期輸官者。准其流抵次
年應完正賦。其蠲免定有分數先期全輸在官者。除

福建巡撫徐宗幹片。再臣前奏護理汀州鎮趙連督防不
力。撤任留營聽候。查明叅辦。遺缺會商督臣。檄委總
兵銜保升副將。關鎮國署理。緣由一摺。奉

旨知道了。趙連如有畏葸貽誤情形。着該撫查明。嚴行
叅辦。欽此。復查趙連經臣飭帶本標弁兵。並添調漳
州兵勇。於歸化甯化一帶。扼要堵截。三月間。江西南

豐賊匪攔入汀屬甯化境內，猝犯縣城。趙漣會督各軍，賊敗於下溪，乘勝追擊五日，內將縣城收復。至四月間，另股賊匪復由甯化中沙地方竄入縣城。趙漣先經飛調派防歸化兵勇馳往救援，即日賊即遁回江西，並未占踞縣城。該鎮似尚無畏蕙情形。惟前次甯化失陷，本有應得之罪，收復以後，並不嚴杜回竄，賊退

又不親率弁兵會合各軍，跟踪追擊，據稟汀州郡城緊要，添調漳州兵勇，尚未到齊，未便拔隊遠離。然踈防究難辭咎，相應請

旨將護理汀州鎮總兵升署邵武營叅將趙漣革職，仍令留營効力。如再不知奮勉，即將從重治罪，以示儆戒。再署汀州府候補知府黃崑望籌辦未能出力，即

應撤任。查有試用府朱以鑑，才具幹練，該員籍隸廣東，與汀屬相近，在籍辦理鄉團已久，熟悉情形，堪以委令代理。檄飭遵照外，附片陳奏。

江西沈中丞奏蒙

奏為福建軍情萬緊懇

恩飭令左移節入閩，以扶危局，恭摺馳奏，仰祈

聖鑒事。

臣

本月初五日，接據會辦汀邵營務候選道陳

景增稟稱，粵逆回窺汀界，九月初十日，臬司張運蘭

全師失利，遂陷武平。是時瑞金踞逆，盡數下窺粵之

大埔嘉應閩之永定均各先期失期龍巖繼之全局
震動請咨鮑超派軍應援等情臣以鮑超駐師瑞金
去閩較近劉典本有援閩之議當即咨商請其相機
辦理旋復接准徐巡撫及閩省紳士飛函以該逆九
月十二日陷龍巖十四日陷漳州張運蘭存亡莫卜
統師無人徐巡撫擬出省調度而省垣軍薄人心驚

惶不得不暫留坐鎮等因臣查該逆為尋幻王踪跡
而東惟已連陷堅城難保不意圖久踞漳郡去省僅
六百餘里地勢平衍無險可憑且慮其結連海寇以
為退步則海濱數省復須在在設防徐巡撫坐鎮省
垣前敵諸軍恐無所統攝帶兵出省根本重地又慮
過於空虛臣秦梓闕情際此存亡危急之秋不得不

為億萬生靈請命。現全浙肅清，邊防鞏固，可否仰懇
天恩，飭令閩浙督臣左，
固軍心，理合恭摺馳

奏伏乞

聖鑒

同治三年十月初六日江西巡撫臣沈葆楨恭奏

臣沈葆楨奏

省垣紳士呈 徐中丞

為汀漳軍情緊急，省城根本重地，深慮慮顛請

憲節暫緩統師出省，以定大局，而固人心事。竊查江浙
潰逆，由江右竄入閩境，永定武平龍巖漳州，接連失
陷，賊氛日熾，由省調派弁兵攻勦，各路布置均已嚴
密。

憲臺疏請親赴泉州督勦。原為統攝前軍。居中策應。唯
省標各營。除經徵調隨征外。存城數已無多。設再提
帶出省。守城兵力。轉形單薄。閩省未遭大警。此次人
心尤覺驚惶。深賴

憲臺恩信。素孚坐資靜鎮。兼以閩中山徑叢雜。處處可
通。現在逆匪尚踞武平漳州各城。武平一由上杭至

永定沙縣。一由清流歸化。至將樂順昌。即與省西接
壤。順流直下。勢若建瓴。漳城入省。小路尤多。由南靖
長泰。至安溪德化。即與仙游永福交界。地無險阻。可
憑。難保不勾連土匪。窺伺福州。深為可慮。茲蒙

制憲由浙飛咨來閩。厚集精銳。分三路入閩勦賊。不日
可到。一俟援兵雲集。足敷調遣。軍聲既振。民心益固。

相機督辦，可期一鼓蕩平。某等為根本重地，關係全局安危，不已合詞僉籲。

憲臺暫緩統師出省，下順輿情，上紓

宸廑，閩省紳民同聲頌戴，不勝喁喁請命之至，切呈。

准兵部火票遞到，議政王軍機大臣，字寄同治三年十月十九日，奉

上諭曾國藩奏提督鮑超遵奉前旨，請假葬親一摺，已明降諭旨，賞假兩個月回籍，經理葬事矣。鮑超轉戰數省，所向有功，本年冒暑西征，累獲大捷，江西全境肅清，厥功尤偉，前已加恩賞戴雙眼花翎，旋復錫封子

爵。此次又准其回籍葬親，所以獎其勤勞，而遂其孝
思者。想鮑超必知愈加感激。現在甘肅軍務未藏，新
疆回氛日益蔓延，前已命穆國善帶兵出關勦賊，而
兵力尚單，非得勇略出羣如鮑超者，前往協力，恐難
壁壘一新。着曾國藩傳旨鮑超，令其假期一滿，即由
川起程，出關勦辦回匪。從前回疆用兵，有楊遇春者，

即係川省土著，立功邊城，彪炳旂常。鮑超務當督率
諸軍，肅清西郵，威揚萬里，以與前賢後先輝映。該提
督忠勇性成，接有此旨，必即欽遵，以副朝廷委任之
重。聞省軍務萬分吃緊，前曾諭令沈葆楨催令鮑超
赴閩援勦。此時既經賞假回川，其所部如總兵宋國
永、婁雲慶等，皆係勇敢素著，即着分領鮑超之軍，由

左沈徐檄令赴閩合會夾勦痛掃逆氛至援閩各軍
並着仍遵前旨統由左節制調遣以一事權將此六
百里諭知曾左沈徐並傳諭鮑超知之欽此遵
旨寄信前來

團練保甲局致各城外各屬縣聯紳士

逕啓者現在各路大兵由省拔隊起行與由汀取道
者先後環紮漳城夾攻剿擊諒茲小醜可期一鼓蕩
平唯當四面兜圍之際賊勢窮蹙困戰必鬥難保不
豕突狼奔紛々四竄上下游入省門戶山徑叢穰處
々可通省城根本重地水陸要隘必須加意嚴防益